



ЯМДЕ-ЛИЙ

1933 ий 1 февраль годсек лектеш.

0+



Ф. ЛЕБЕДЕВАН сүреши.

Пайремет дене, аваем!

Авамн порылыкшо, шокшо шүм-чонжо, кече гае шыргыжалмыже – эн кугу пиал. Пайрем дене саламлем, аваем!

Евгений АЛГАЕВ, 4-ше класс.

Шернур, Кукнур.

Авамн лүмжө – Светлана Рудольфовна. Ме кум шочшыжо улына. Авам пырля книгаг лудеш, телевизорым онча, ече дене коштеш. Мый авам чот йоратем!

Талвий АБРАМОВ.

Оршанке, Тошто Крешын.

Аваем моткочак тамлын
Кочкышым шолтен мошта.
Ўдыр-влакшым, йораталын,
Кечын шуненак пукша.
Аванажым, чот ондалын,
«Тау» мутым ойлена.
Ныжылге, мотор, эн поро
Тый улат, мемнан ава!
Марина ИВАНОВА.
Морко, Энерсола.

Авам Элпанур йочасадыште пашам ышта. Тудо изи-влакым пукша-йүкта, арулыкым эскера, порын мутлана. Нунышт авайым, йоратен, «Галина Герантьевна» манит. Мый школышто сайын тунемам. Тыге авамым куандарем да умбакыжат кумылжым ынем волто.

Михаил ИВАНОВ.

Параньга, Элпанур.

Авамн пашаже куштылго огыл, тудо вуыллатышын алмаштышыже. Эше йоратыме коваем уло. Изием годым мылам шуко книгаг лудын, тўналтыш класслаште математике дене мөнгө пашам умылтарен. Авам ден ковам эн шерге улыт! Мый нунылан Ўдырамаш пайрем кечын сылне семым пайрем полеклем. Вет кум ияш годсек гармоньым шоктем.

Алексей ЯРКЕЕВ.
Татарстан, Агрыз, Буймо.



7 мартыште Оршанке район Тошто Крешыныште республикысе йоча-влаклан Ўярня пайрем эртаралтеш. Тудым Марий тўвыра рўдер ямдылен да чыла кумылан-влакым пагален ўжеш. Пайрем 10 шагатлан тўналеш.

Газетын тиде номерыштыже мыняр ўдыр лўмым муыда? Эн шуко лўмым шотлен лукшылан полек лиеш.



Илышдам аралыза!



1 мартыште Йошкар-Оласе Госавтоинспекцийын пашаенже-влак «Пешеход! Выбери жизнь!» акцияым эртареныт. 30-шо номеран «Берёзка» йоча-садыш коштшо-влак тўрлў тўсан «кидкопам» ямдыленыт. Йолын ошкылшо кугыен-влак-лан кучыктеныт. Тыге корным эскерен вончаш ўжыныт.

Марий Эл Республикысе МВД-ын пресс-службыжо.

«Берегись автомобиля» модышышто йоча-влак корнышто коштмо правил да корнысо знак-влак, светофор нерген пален нальыч. Йомакысе герой-влак дене пырля тўрлў йодышлан вашмутым кычалыч. Ваня Яковлев ден Марина Миткина эн писе лийыч. Районысо сўрет конкурсышто Карина Зосимова икымше верыш лектын.



Саша ПЕТУХОВ.
Куженер, Конганур.

Школыштына «Тўналтыш класс-влакын арняже» эртен (снимкыште).

Туныктышо-влак Алёна Вячеславовна Морозова, Светлана Васильевна Семёнова, Светлана Михайловна Максимова, Людмила Борисовна Васильева урок, внеклассный занятий да кружок гоч шке мастарлыкыштым почын пуэныт. ФГОС-ын чыла шўрынжымат кучылтыныт.

С.М.МАКСИМОВА.
Параньга, Матародо.



Тошто кагазда уло?

Тошто кагазым погымо арня годым кыдалаш класслаште тунемше-влак 1 тоннат 200 килограмм кагазым конденыт. Мемнан класс эн шуко поген. Мый, Оля Борисова да Владик Олюнин (снимкыште Лев Соколов дене

коктын макулатурым машинаш нумалыт) эн чолга лийынна. Владик 200 килограммым конден.

Ксюша КРЫЛОВА, 5-ше «А» класс.
Советский, Вечын.



Марий ечыгорно – 2016

Тений тагасымаш – кандашымше гана – Кўлегеш ялыште эртен. Тушко йоча-садыш коштшо гыч тўналын шымле ияш-влак

марте ушненыт. Кажныже шке тўш-каштыже тагасен. Эн шуко участник Кўлегеш ялсовет гыч лийын. Школ вуйлатыше Олег Александрович Третьяков (3-шо вер) ден тудын алмаштышыже Лидия Геннадьевна Ишманова (2-шо вер) ече дене кузе писын каеныт! Сегыше-влак-лан медальым, грамотым да пўлекым кучыктеныт.

Ечыгорно тагасымаш жапыштак ўярня пайремым эртарышна.

Лиана ИШМАНОВА, 5-ше класс.
Татарстан, Агрыз, Кўлегеш.

Эн шерге ең тўнжаште

Авам Алевтина Анатольевна Речкина Ошлаэнер ялыште ила. МарГУ-н экономике факультетшым тунем пытарен. Кызыт страховой агент-консультантлан пашам ышта. Тудо поро да ныжылге. Мыйым йората, тунемашем полша, илышлан эре туныкта. Авам чонжо кечыйол гаяк шокшо, шинчаже канде кава гаяк волгыдо. Туддеч мотор, шыма, ныжыл нигот уке.



Виктория МЕШКОВА, 5-ше класс. Оршанке, Тошто Крешын.

Ава тыйым шочыктен Да тазалыкым пуэн. Илыш корныш шогалта, Тыйым сайлан туныкта. Ава тыйым шылтала гын, Тый ит сыре, йолташем. Йората да пагала – «Шотан кушшо» ман(ын) шона. **Андрей МУШКИН, 6-шо класс. Звенигово, Эсмекпак.**



Йошкар-Ола се 32-шо номеран йочасадыш коштшо Артём Петров (снимкыште) тыге ойла:

«Шошо толын, лум шула, 8-ше Март вашка. Мый авамым саламлем, Ты аршашым кучыктем».

Н.ГОДУНОВА.

Авам Олеся Витальевна школышто Англичан йылмым туныкта. Тунемше-влак тудым пагалат. Черланыекем, мыйын верч чот тургыжлана. Авамым уло чон дене йоратем.

Илья МАКСИМОВ, 2-шо класс. Волжский, Пётъял.



Анна ПРИБЫТКИНА (4-ше кл.), Анастасия ЧУГУНОВА (10-шо кл.), Антон ТИМОФЕЕВ (4-ше кл.), Антон СИДОРОВ ден Анна ТИМОФЕЕВА (2-шо кл.) пөлеклан авашт лүмеш почеламутым возеныт.

Аваштым саламлат

Куженер, Уштымбал:

Авам Татьяна Степановна школышто арулыкым эскера. Сай илышым, пенгыде тазалыкым тыланем (Даша ПАЙМЕРОВА). Авам Татьяна Васильевна туныктышлан ышта. Авай, кужу ймыран, пиалан да таза лий! (Аня АЛЕКСАНДРОВА). Авам Елена Аркадьевна поро лияш туныкта. Илышет кече гай волгалтше! (Миша ИВАНОВ).

Волжский, Сотнур:

Авамым, Надежда Евдокимовнам, чот йора-



Морко район гыч:

Елена ФЛЕГЕНТОВА (Жоркатово), Клавдия ИГНАТЬЕВА (Шүргыял), Катя ЕГОРОВА (Эгерсола).

Советский район Вечын гыч Наталья ИВАНОВАН сүретше.



Ксения СОЗОНОВАН сүретше. 2-шо номеран Шернур школ.

тем! (Алёна АЛЕКСЕЕВА). Авам Тамара Васильевна 22 ий поварлан ышта. Авай, саламлем тыйым 8-ше Март пайрем дене! (Алексей МИТЯКОВ).

Авам Светлана лүман. Кушко гына мый ом кай, аваамым порылыкшо – эре кўдынем. Авам пеш тамлын кочкаш шолта, мылам носким, пижым пидеш. Калыкат авамым пагала. Мый тудым йоратем да 8-ше Март дене саламлем!

Кристина АСИНА, 5-ше класс. Татарстан, Агрыз, Буймо.

Тиде школын 5-ше классыштыже тунемше-влак: Артём ИЗБЕКОВ, Эмма МАЧУТОВА, Алина БОЧКАРЕВА, Диана ВАСИЛЬЕВА – аваштым шошын эн волгыдо пайремже дене саламлат. Нуннын серымыштым вес номерлаште лудса.



Пиалда тўргоч

Марий ўдырамаш - айдеме тукумым шуйышо, пўр-тўсын моторлыкшым ужын, аклен моштышо, яндар шўм-чонан, поро кумылан да эше мўжи гай пашаче. Тыга-як улыт Параньга районысо «Победа» озанлыкшште тыр-шыше ўдырамаш-влак. Лач ўдырамаш-влак колхозым почмо пуламыр пагытын, Кугу Отечественный сарын чыла нелылыкшым чытен лек-тыныт да тачат пўрзең дене тўр пашам ыштат, шочмо мландым тўзатымаште эрже-касше тыршат. Чап лийже тыланда!



«Уныкам, сайн тунем, паша деч ит лўд, кугуракым пагале, вара тьят пагалы-ме ең лият», - манеш ковам.

Ковам Надежда Еремеевна Инородцева 1947 ий 2 ноябрьште Элпанур ялыште шочын. Шко-лышко индеш ияш тунемаш каен. Ту-не мше - влак ўнарышт шутымо семын колхозлан полшенит. Паша деч ниго лўдын огыл. 14 ияш ковам, имньым кычкен, сурт еда теры-сым поген, пасушко шуп-шыктен. Шудым поген налаш пол-шен. Уржа-сорла тургым годым сортиров-кышто тыршен. А кастене моло йоча дене пырля чоды-рашке имньым пукшаш коштын. Марий Турекысе СПТУ-м тунем лекме деч вара эре колхозышто тыршен. Паша стажше - 38 ий. Тудлан «Пашан ветеранже» медальым пуэныт. «Рвезе ўмырем арам эртен огыл», - шар-налта ковам. Тудо пионер дружинын пред-седательже, колхозышто комсомол секре-тарь лийын. Эре ече дене коштын, шко-лын, колхозын чапшым арален.

Данил ВОРОНЦОВ,
5-ше класс.



Та-
л и н а
М и х а й л о в н а
Арсланова - оза-
нлыкын пагалыме
животноводшо.
Ынде ятыр ий Павел
починга ялже гыч,
шым менге коклам
ончыде, Элпанурыш
йўратыме пашаш-
кыже коштеш.



Св е т л а н а
Григорьевна
Мамаева Марий
кугыжаныш универ-
ситетын экономике
факультетын
тунем лектын да
визак «Победа»
озанлыкышке
пашаш толын.
Ынде 32 ий утла
тыште тырша.
Ончыч тўн эконо-
мист лийын, 1994 ий
годсек - тўн бухгалтер. Озанлыкын
тўзланен толмаште тудынат
надырже изи огыл. Пашажым
аклен, Росий ялозанлык мини-
стерстве тауштымашан
серышым кучыктен.



Коваем Юлия
Витальевна
Ильина поро кумы-
лан. Тудо «Победа»
озанлыкын бухгал-
терже. Шке паша-
жым пеш йўрата.
Ковам пеледышым
шучо кушта. Ка-
ныш кече еда мем-
нам тамле кочкыш
дене сийла. Мый
ковамым чот
йўратем. А кугезе ковамын,
Анна Эльтемеровна Соловьёван,
Трудовой Йошкар Знамя орденже
уло. Тудым озанлыкшште тыршен
пашам ыштымыжлан пуэныт. Вет
кугезе ковам эре презе-влакым
ончен. Мый кок ковам денат пеш
кугешнем.

Аделина ИЛЬИНА, 3-шо класс.

Озанлыкын «Победа»
лўман лиймыжлан – 55 ий.

велже!



Озанлык министр-
ствын тауштымашан серышы-
жат уло.

Ковам Римма Ана-
тольевна Смирнова
мураш-кушташ мастар.
Кочамже – уста гармонь-
чо. Пеш шуко сўаныште
лийыныт. Коктынат пеш

Уста тракторист, а ковам
доярке ўмыржō мучко
ляш манын, комплексште
ўшанен пуымо во- ушкал-влакым
лыкетым уло чон лўшта. Тыршен
дене йōраташ кўлеш. пашам ыштымыжлан шукерте
Т.Э.Савинован чон огыл Россий ялозанлык министр-
шокшыжым ушкалже- ствын тауштымашан серышыж
влак шижыт, сандене дене палемдалтын. Мый тудым
огыт кодо. Тамара уло кумылын саламлем!

Ваня СМОРНОВ, 4-ше класс.



Авам Зоя Михайловна Инородцева оза-
нлыкын презыже-влакым шке икшы-
выж гаяк онча. Нунылан чызашан ате дене
шōран вўдым, ЗЦМ-ым йўкта, таптыме



шурным, витаминан
кормам пукша. Южгунам Игорь
изам дене коктын тудлан пол-
паш миена. Авам кажне
кечын шым менгым пашаш
коштеш гынат, сурт
коклаште чыла ыштен
шукта: волькыкымат онча,
мōнгысō пашанамат тергаш
жапым муэш.


Лена ИНОРОДЦЕВА, 3-шо класс.



Роза ковам, Роза
Яндемировна Кон-
дратьева, Павыл почиґа ял
гыч. Колхозышто кассир, бухгал-
тер лийын, комплексште лўш-
тымō шōрым бункерыш поген, а
кызыт ушкал-влаклан кормам
пуэда. Тудым калык пагала.

**Сергей КОНДРАТЬЕВ,
2-шо класс.**

Пагалыме да шер-
пагакан ўдырамаш
пашаекна-влак! Чыладам
сылне шошын эн волгыдо, эн
мотор 8-ше Март пайремже
дене уло кумылын саламлем!
Ме "Победа" озанлыкнам
тўзатымашке атыр вийдам,
моштымашдам, йōратымаш-
дам, поро кумылдам пыште-
да. Кажне сенымашлан ме
пырля куанена. Мау тылан-
да! Маза лийза, шўм-
чон пилда тўр-
гоч ташлыже.
Вуйлатыше
А.Е.ПАВЛОВ.



Авам Светлана
Алексеевна Виче
кундемыште шочын. Школ
деч вара агрономлан туне-
маш каен. Кызыт «Победа»
озанлыкыште бригадир-
учётчиклан пашам ышта.
Пасу мучко коштеш,
куралме, ўдымō кумды-
кым вискала. Тудо эше
склад вуйлатыше. Авам -
уста кидмастар: пидеш,
ырес дене тўрла.
Пеледышым пеш йōрата,
мōнгыштат эре ару. Мый
авамым чот-чот йōратем.

Оля ЧАЙКИНА, 5-ше класс.

**Мужыр лаштыкым А.ЭМАНОВА ямдылен.
М.Васильеван фотожо-влак.**

Туныктышылан полыш 5-ше классыште лудшаш произведений



**Алексей АЛЕКСАНДРОВ-АРСАК, Россий писатель
ушемн енге.**

**Тау,
авай**

Изи мар-
деж,
энер
ўмбач
пуалын,
пуалын,

Шўмбел кундемын
ямжым йышт сава.
Тый, ял мучашке
ужатен лекталын,
Шкетак шоget,
йўратыме авай.

Вич ий
шўм вургыж
вучышыч ола гыч,
Тунемын лекшым
вўчкалташ шонен,
А ынде тебе ужатет
салтакыш,
Адак тугак
илаш тургыжланен.

Аван шўм-чонжо
шочшыжо пелен гын,
Ала, чынак,
мемнанжын кў пелен?
Уке, авай, эн ныжыл
шомакемым,

Шонем гынат,
ом мошто лач ойлен.

Арам шепкаште
рўпшенам, ит шоно,
Молан йўра гын
ончыдем, ит ман.
Юдем пўрен гын,
угыч тыйын ончык
Изи годсемлак
сукалтем ласкан.

Эрта ик ий, эрта
мыняр идалык,
Ок эрте лач
ава йўратымаш.

Тау, авай,
яндар шинчасортала
Арале шкендым
мемнан верч илаш.

Изи мардеж,
энер ўмбач пуалын,
Шўмбел кундемын
ямжым
йышт сава.

Тый, ял мучашке
ужатен лекталын,
Шкетак шоget,
чон суксо гай авай.

**Зоя ДУДИНА,
Марий Эл
Республикын
С.Чавайн
лўмеш кугы-
жаныш пре-
мийжын лауреатше, Россий
писатель ушемн енге.**



Авай дене пырля

Авай дене пырля
Ошкылам да куржам.
Кўшнў кече пылан –
Мый волгалтшым ужам.

Авай дене пырля
Ото кидшым шуя.
Ўжын пургыш пурла,
Ыш ондале шола.

Авай дене пырля
Лийым кайык чонан,
Кўш кўзем турийла
Йўраташ пыл-чомам.

Авай дене пырля
Лиe мур гай тўня:
Авай мутшым ойла,
Семже мыйын шуйна.

Авай дене пырля
Мыйын чон – чон пелен.
Кў, тугеже, молан
«Кў пелен» ман ятлен?



Эн шерге ең тўняште

Авай, тый мыланем эн шерге улат! Палем, нигу-
намат нигўланат обижатлаш от пу.

Аня СЕМЕНОВА, 6-шо класс.

Морко, Энерсола.

Ава эн поро,
эн шыма –
Икшывыжым
ончен кушта.
Тамле кочкышым
шолта,
Шыман вуй гыч ниялта.
Чаманыза авадам,
Шке илышда дене
куандарыза.
Сай пўлекым ыштыза –
Пайрем дене саламлыза!
Кристина ЗОРИНА,
6-шо класс.

Морко, Энерсола.

Морко район Кўркатово
лицей (1-ше класс)
гыч вoзaт:

Ме ешыште ныл
икшыве улына. Авамын
шокшыжо чылаланна
сита (Анна АЛЕКСАН-
ДРОВА). Авам икшыве-
влакын тазалыкыштым
арала. Ни вийжым, ни
жапшым ок чамане (Ангелина ОГНЕВА). Авана
«Звениговский» озанлыкыште пашам ышта. Эрдене
кая, кастене пўртылеш. Ме тудын толмыжым чот
вучена (Элина АБРОСИМОВА). Ава деч сай айдеме
уке. Мый изи улам гынат, тидым изи чонем дене
шижам (Мария ДМИТРИЕВА).

Аваемым

йўратем,

*Поро мутым вел ойлем.
Пашамат*

*ышташ полшем,
Уло кумылын тыршем.
Аваемже мокталта,
Тупем гычын вўчкалта.
Авай, пайремет шуэи,
Тыйым саламлаш кўлеш.
Мый откырым*

*ыштенам
Тылат пайрем пўлеклан.*

Диана СЕМЁНОВА,
Марий Турек, Арбор.

Ече дене мунчалтат



У Арбан йочасадыш кошт-шо ньога-влак ече дене куанен мунчалтат (снимкыште). Физкультурым изин-кугун вучат. Амалжат уло: южо йочан мӧнгыштыжӧ ечыже уке, а йочасадыште чыла-лан сита. Йоча-влак, йӧратыза телым! Ече дене коштса, издер дене мунчалтыза. Тазалыкдам шуарыза!

Калык пале

Юзгунам март
йӱштӧ дене моктана.
Мартыште
шошо тӱналеш.

1 мартыште пырысын кечыже ыле. Виктория Батаева йолташыже-влак дене пырысыжлан тыгай пӧлекым ыштен (снимкыште).

Р.Н.ГАВРИЛОВА.

Провой кундем, Ӱлыл
Памъял.

Салам аршаи

Йӧратыме коваем, Елена Серафимовна Михайлова, Овдасола ялыште ила. 21 февральыште тудлан 60 ий темын. Коваем мыйым ончен кушта, илыш корныш шогалта. Шочмо кечыж дене саламлен, почеламутем пӧлеклем:

Иле тые, куаналын,

Йӧраталме коваем.

Куптыргалше чурietым

Шыман-шыман ниялтем.

Порын, ласкан ончалметым

Уло шӱм ден йӧратем.

Пидлан да таза лий,

Эше иле шуко ий.

Аида САЛИХОВА,

4-ше класс.

Морко, Коркатово.

И.В.НИКИТИНА,

воспитатель.

Медведево район.

Перкан лийже

Вужга мелна

Йоча-влак, айста ава-кова-акана-влакым изи мастер улмына дене куандарена. Ӱдыраман кече лӱмеш мелнам кӱэштына. 7-13 мартыште Ӱярням пайремлена, тунамат тамле мелна дене сийлен кертыда.

КӱЛЫТ: 3 стакан шӧр, 3 муно, 1,5 стакан ложкаш, 3 кугу совла нӧшмӱй, тынарак сакырложаш, шинчал.

Муным чот лугаш, тушко 1 стакан шӧрым, сакырложашым, шинчалым пыштен вараш. Ложашым ешараш. Вара кошко шӧрым, нӧшмӱйым опталаш. Кӱэштмек, мелнам ӱй дене йыгаш.



Марий самырык театран – 25 ий

МАРИЙСКИЙ РЕСПУБЛИКАНСКИЙ ТЕАТР-ЦЕНТР ДЛЯ ДЕТЕЙ И МОЛАДЕЖИ (Театр юного зрителя)

март 2016

ул. Вознесенская, 87

2 спр	12+	ВИШНЕВЫЙ САД Комедия (на русском языке)	А.П. Чехов Продолжительность: 2 часа 30 мин. Время: 18:00	
3 нрт	18+	«КАВАСЕ ЧЫЛА ШУДЫР - ТЫЛАНДА» Концерт инициативный Мастер-классу аюкына ани	Анна 18:00	
15 врт	6+	АЛВАР И ТЕНЬ Сказка (на русском языке)	М.Раймонд Продолжительность: 40 мин. Время: 18:00	
16 спр	12+	НЕМЫЧ ВАТЕ (Фрэнк Бергер) Комедия	С.Линдберг Продолжительность: 2 часа 20 мин. Время: 18:00	
19 сб	6+	«ВЕСЕЛА ПУДЫРАНЧИК» Юмористический концерт	Анна 18:00	
22 врт	6+	ПРИКЛЮЧЕНИЯ ПРИШЕЛЬЦЕВ Сказка (на русском языке)	И.Шуваев, В.Григорьев Продолжительность: 40 мин. Время: 18:00	
23 спр	12+	В рамках фестиваля «Возвращение к традициям» И С НАМИ ГОЛУБИ Легендарские драмы (на русском языке)	Г.Григорьев Продолжительность: 2 часа 30 мин. Время: 18:00	
25 нрт	12+	ПРО МОЮ МАМУ И ПРО МЕНЯ Школьные сочинения	К.Иванов Продолжительность: 40 мин. Время: 18:00	
29 врт	12+	РОШТО ПОРАН – КУГЕЧЕ ЙУР Пьеса на марийском языке – (Сказка и Песня) Драма	Л.Шевчук, С.Топкина Продолжительность: 2 часа 30 мин. Время: 18:00	


Спектакли на марийском языке идут с синхронным переводом на русский язык
Художественный руководитель – заслуженный деятель искусств РФ и РМЭ
Олег Ирибаев-Этайн

Справки по телефону:
30-46-80, 30-46-70
www.mari-tuz.ru

информационная поддержка:
Мари Эл Республикасынын
Информационно-коммуникационн
Мари Эл Республикасынын
Информационно-коммуникационн

Конкурс умбакыже шуйна

Конкурсын условийжым газетнан 2015 ий 19 декабрьыште да 2016 ий 23 январьысе лекше номерлаште ончыза.



Комиксым Советский район Вечын гыч Ангелина ВИНОВОРОВА ден Лиза ЯМАНАЕВА сӱретленыт.

Индекс
Распечатать – 52713, МАП – 78574.
Тираж 1300 экз. Заказ 693.
Формат – А-4-8.
Директор-тӱн редактор
Л.В.СЕМЕНОВА.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.ru,
Тел. 45-25-49(факс);
45-22-82.

УЧРЕДИТЕЛЬ-ВЛАК:
Марий Эл Республикысе культур, печать да национальность паша шотышто министерстве, "Ямде лий" газет" кугыжаныш казенный предприятий.

Газетым Массовый коммуникаций сферыште да культур наследийым аралымаште законодательством шуктен шогтым эскерыше Федеральный службн Приволжский федеральный округысо управленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.

0+

Печатьшы пуымо жап – 14-00,
фактически – 13-00.
Ак – кутырен келшыме почеш.

Авторын да редакцийын шонмашыш тӱрлӧ лийын кертыт. Серыш-влак мӧнгеш огыт колталт.

Газетым редакцийыште погымо да версталыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакцийын да издателын адресше: 424006, Йошкар-Ола, СССР Вооруженный Вийын 70-ше идалыкше урем, 20.



**Шошо толеш. Кече онча.
Лум мөчөрна пеш ойгыра.
Дарина МУРТАЗИНА, 3-шо класс.
Морко, Эверсола.**

Авторын сүретше.

Эмилия
Семенова
(шолаште) да

Юлия Пыльчи-
кова лум мөчөрүм
ыштеныт да түрлө
түсан чия дене чиялтеныт.
Эсогыл галстукым «пижыктеныт».
Ўдыр-влак кокымшо классыште
тунемыт. Урок деч вара чүчкыдын
уремыште пырля модыт.

Л.Г.ИВАНОВА.

**Звенигово,
Сулонгер.**

**Кө
түнәм-
балсе
чыла йылме
дене
кутыра?**




**Мартым умылаш неле: то
шортеш, то воштылеш.**



**Сүретыште нине
тумышым му.**

Шылым мутым луд.



1. Икымше марий профессионал ўдырамаш сүретче. **2.** Марий актрисе, киношто модын. **3.** А. Волковын пьесыже. **4.** Кидвургыш чийыме сөрастарыме ўзгар. **5.** Ўдырамаш космонавт. **6.** Эргын ватыже. **7.** Шернур вел ўдырамаш-влакын вуйчиемышт. **8.** Марий кундем гыч партизанке. **9.** Шўйшовыч, шарф. **10.** В. Сапаевын «Мом каласет, Миля?» повестыше гыч ўдыр (фам.). **11.** Я. Элексейнын «Ўрмөк» повестыше гыч ўдыр. **12.** Н. Ильяковын «Опак Микита» романже гыч героине. **13.** Писатель Раиса Николаеван псевдонимже. **14.** «Кушто улат, пиалем?» романын авторжо.

Лена ВАСИЛЬЕВА.

Куженер, Ўштымбал.



Лу ойыртемым му.

